



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1845

MLXXV. Dieselbe Erklärung von den Städten der Neumark, vom 25. Juni
1364.

Nutzungsbedingungen

[urn:nbn:de:hbz:466:1-56193](https://nbn-resolving.org/urn:nbn:de:hbz:466:1-56193)

MLXXV. Diefelbe Erklärung von den Städten der Neumark, vom 25. Juni 1364.

Wir die Ratlute vnd die Burger gemeinlich der Stete zu Kunigsperg, Morin, Bernwalde, Schowenulite, Soldin, Lippene, Nygen Berlyn, Arnswalde, Recz, Drawenburg, Lanczberg, Waldemborg, Fredeberg, Cultrin, Tankow, Nuremberg vnd zu Calis, vbir dem Oder in der Mark zu Brandenburg gelegen, Bekennen uffinlich — Wann der hochgeborn furste vnd herre, her Otte, Marggreue zu Brandenburg vnd zu Luficz, vnser lieber gnediger herre, dem allerdurchluchtigsten fursten vnd herren, hern karlu, — als eyne kunige zu Beheim synen erben vnd nochkomen kunigen vnd der Cronen des kunigrichs zu Beheim, gute verfigelte briue geben hat. Were iz, daz iz zu schulden queme, daz der hochgeborn furste vnd here, her Wenczella, kunig zu Beheim, vefers egenanten heren des keifers irftgeborn Son, ane kinde sturbe, vnd daz die herzogentum vnd furstentum der lande zu der Swidnicz vnd zu dem Jawr, als sint Swidnicz hus vnd Stad, Jawr, Rychembach hus vnd Stad, Nympezhus vnd Stad, Czobotten hus vnd Stad, Stregow hus vnd Stad, Bonczlow hus vnd Stad, Lewemberg hus vnd Stad, Grifemberg die Stad, Lhen hus vnd Stad, Schonow hus vnd Stad, hirsperg hus vnd Stad, hayn hus vnd Stad, landeshute die Stad, Cliezstorff, Grifenstein, kynast, falckenstein, Cunratfwalde, hornsperg, Waldemburg die Vestenen, vnd ouch andere erbliche herscheste die der hochgeborn furste vnd her Bolke, herzog zu Slesien, here zu der Swidnicz vnd zu dem Jawr hette uff die hochgeborn furstinnen frowen Elizabeth, vnfers egenanten heren Marggraue Otten eliche Wirtin, vnfers herren des keifers tochter, als uff yren rechten erben noch tode des herzogen von der Swidnicz vnd seiner elichen Wirtin veruylen, also daz die egenante vnser herre vnd frowe Marggraue Otte vnd frauwe Elizabeth die lande des herzogen von der Swidnicz yngewonnen, daz denn wir vnd die vorgeante Stete mit dem lande uff dem Barnym, dem Closter Chorin, mit den Steten vnd landen vbir der Oder gelegen, mit namen Vrankenfurte, Struzberg, Wirczzen, Copenicz, Monichberg vnd die Vogtie zu lubuz, mit allem dem, daz darzu gehoret, vnferm egenanten herren dem keifer als eyne kunige zu Beheim seinen erben vnd nochkomen kunigen vnd der Cronen zu Beheim sullen verbunden sein, zu einer Wiederstadunge der egenanten lande des herzogen von der Swidnicz in allerweise, als hernoch geschreben steet. Von irfte etc. (Wörtlich wie in der vorstehenden Urkunde.) Soldin, noch gots geburte druczenhundert Jar dar noch in dem vier vnd Sechzigstem Jare, an dem nehesten Dinstage noch sant Johans tag des heiligen deufers.

Nach dem im Böhmischen Kron-Archive zu Prag befindlichen Original mit 15 Siegeln.